

مجله علمی و ادبی

مطبعه و محل اداره :

جغیال اوغلنده امنیت
صندوغی جوارنده
شنگول یقوشنده
۲۷ نوسرو

مسلكجه موافق آثار
جدیده مع الممنونه
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاست ، احوال و شؤون اسلامیه و بحث ایدر و هفته ده بر نشر اولنور .

صاحب و مؤسسلری :

در سعادتده نسخه سی ۵۰ یاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

یدنجی جلد

۲۵ ذی القعدة ۱۳۲۹ پنجشنبه ۳ تشرین ثانی ۱۳۲۷

عدد : ۱۶۷

بیاننامه

ایتالیا دولتک بلا سبب دولت عثمانیه اعلان حرب ایتمی اوزرینه یمین
ولایتجه طاغیدیلوب بین القبائل فوق العاده تأییدی موجب واعدای وطن علمینده
یک زیاده نمایشله بادی اولان بیاننامه صورتیدر :

بسم الله الرحمن الرحيم

یا قوم اعلموا . . .

ان الله الذي يحكم في السموات والارض وما بينهما هو الله المعين
للحق القاهر للظالم المتعدي الذي لا يكف يده عن امة نبيه الذي اصطفاه
من بين الانبياء هو الله الذي يلقى بينا السكينة والمودة لترصين حبل الاتفاق
الكافل لبقائنا وبقاء هذا الدين الله الذي يقول انا نحن نزلنا الذكر
واناله لحافظون

ایها الناس،

ان الله معنا لا تقنطوا من رحمته فقد وعدنا لنصر وهو خير الواعدين
فاعملوا بقوله بوجوب الاتحاد والاتفاق فان يدالله مع الجماعة و اتركوا
الشقاق مشته الدين ومهلك الاولين والآخرين فاستصغار اعداء الدين
لنا وملا عبتهم بنا الامم بروه من الشقاق والتفاق الكائن بيننا

فما التقاطع في الاسلام بينكموا واتموا ايا عباد الله اخوان وان كل
ما حل بنا ما هو الامحازة الاله لنا لاستيقاظنا من هذا المنام واستنهاظنا
الى القيام باوامره المؤسسه على ارتباط القلوب الكافل لدفع الكروب
يا اهل البين الميمون عيونكم نور وقلوبكم نار فكيف لاسباب
ضعف الاسلام لاتفقهون انما المنافع الشخصية والاحقاد الدنيويه لا تضر
الاجراب هذه الديار اما كفى ماجرى في سالف الزمن من التنازول
الاسلام وضیاع کم من الاقوام

اتی علی الكل امر لا مرد له حتی قضوا افكان القوم ما كانوا

كل هذا من مصیة الخالق الذي امر بترك التقاطع وهم لم يتركوه فلنتبه
فقط آن وقت الانتباه ولنعمل للهضة قبل صدور الاله ولندفن الاحقاد في
مدافن النسيان ولنمنس يقدم واحد في هذا الميدان فان امام الخطر تنسی
الخطیئات وفي النکبة تنهض الهممات وهذه مسأله کل غال فيها رخیص
والعرب معین الاسلام هم اولاد اولئك الاعلام الذين

اذا جاز اقوام بمال وجدهم يجودون بالارواح منهم بلا بخل

وفي مثل هذه الوافع يطيب الممات وهبنا الله النصر والثبات
هذا واعلموا ان لسكينة والوقارها شعار الاسلاميه فلتسك بهما
خصوصا في مثل هذا الزمن حتی اذا عملنا يكون العمل بروية واتحاد
هدانا الله بحجابه نبيه الى الرشاد والسداد آمین.

اتحاد و ترقی قرنقره سنک

مجلس مبعوثان اکثریت فرقه سنجه قونقره به کوندریلن مواد عشره حقنده کی
فراری صورتیدر :

مجلس مبعوثانده بولنان اتحاد و ترقی فرقه سنک بعض اعضایی
طرفندن تکلیف ایدیلوب قبولی قونقره قرارینه تعلیق ایدیلن مواد
عشره مطالعه ، عریض و عمیق تدقیق اولوندی .

نسر بو سوکی و لایتمزی مدافعه و دشمنک صولتی رده صورت
قطعیده عزم ایتمشدر .

اوت ، بز بتون غیرت و اقدامز ایله دشمن دینک بورادن ازاله
وجودینه چالیشه جغز . بویولده ملت عثمانیه دن بر فرد صاغ قالمینجه
قدر اوغراشه جغز . هر حالده آلیق دشمن ایاقلرینک بو ارض پاکی
تلویث ایلمسنه ، شرفدن شرفه ، ظفردن ظفره انتقال ایده ایده ترک
حیات ایدن اجداد منزه مقام معززه سنی چکنه مسنه میدان و یرمیجه جکزه .
آفریقای عثمانیده متمکن اخوان محترمه من بتون افعال و حرکتلریله
حکومت منزه عزم جدیدسنه مشارک اولدقلرینی کوستریورلر ای اخوان
محترم ! اینی بیلدیکز که بز سزاردن ابدیاً آریلمه جغز . اوله جک ایسه
برابر اوله جکزه ، یاشایه جق ایسه بالغز و الشرف برابر یاشایه جغز .
ای مجاهدین محترمه ! یکدیگریمزک الارینی او قدر صبقی طوتلم و طریق
حقده او صورتله شرفزنی محافظه چالیشلم که دشمنزده شانلی
اجداد منزه شرفی اوغلاری اولدیغمز ای کلاسوند قیریلایسیجه الی
بزدن چکمکه مجبور اولسون .

جهانک هر طرفده عالم اسلامیت ایتالیانلر طرفندن ارتکاب اولنان
بوتجاوز غدارانه و حقوق شکنانه قارشى فوق العاده متبیج و مضطربدر .
دشمنی قهر و تشکیل ایتدیگمزه ، خلافت شان عثمانیه بی قائمزه ، جائمزه
محافظه ایلدیگمزه دائر هر کون بزدن بیوک بر صبر سزلقه حوادث مظفریت
بکر . شو حالده خلافت اسلامیه و وطن مقدس عثمانی اغورنده
دست جلادتمزده مسلول اولان سیف ساطع منزه بزه متوجه آمال
اسلامیه و عثمانیه کمال فداکاری ایله خدمت ایدرک آثار موفقیات
ومظفریت کوسترمک ، دشمنی قهر ایلمک اوزرمنزه فرض اولان ک
بیوک بر وظیفه در .

ایتالیانک تجاوز دناشکارانه سنه قارشى عموم اسلاملر طرفندن
کوستریان آثار ناخشنودی و نفرت اسلاملر ایله علاقه سى اولان بعض
دولتلى منفعتمزه خدام توسط طرده بولنغه سوق ایتمی محتملدر .
انجق بو حال بزم بوراده دشمن متجاوز و غداره لایق اولدینی درس
انتباه و عبرتی و یرمکلمکزه مانع دکلددر . هر حالده بو دشمنی بزوراده
قهر و تشکیل ایتلی بز . وطن اغورنده اولومدن اصلا قورقما یلی بز .
شانلی تاریخمزه بزدن بونی طلب ایدر .

خمس ، بنغازی ، درنده بولنان قرده شلر من مقدارجه چوق
اولمدقلری حالده دشمنه قارشى آرسلان کبی طور ورق امید و تصورک
فوقده دشمنی ازمشلر ، ایتالیان اردوسنی ، دونمسانی پریشان ایتمشلردر .
بزه آنلرک قرده شلری بز هر آن اوله بر صولت شیرانه ایله دشمنی
تیمله لی وانلردن بو مقدس طور پراقدده اصلا بر اثر برافما یلی بز . دشمن
او قدر آلیق ، او قدر قورقاندکه صولت مجاهدانه مزه قارشى
طور مناز .

سزه تکرار ایدیورم . قائمک صوک دامله سنه قدر بو دشمن
دن ایله حرب ایده جکزه نصرت الهیه البته ظهیر مزدر . »

واد مذکور در برنجیسی : [مبعوثانك امتياز وسائر منافع تعقيب ائمه ماری] کیفیت در . فی الواقع مجلس عمومینك هرايكی هیئتی اعضا علیه قابل تألیف اولیان احوال حقوق اساسیه در مبحث مخصوص اولوب زدن مقدم اصول مشروطیتی تطبیق ایتش اولان اروپا حکومت مشروطه سی قوانین اساسیه سندن بمضمرنده آرزو بمضمرنده چوق اولوق اوزره بر طاقم تقییدات قبول ایدلمشدر .

مجلس عمومی اعضا سندنك حائز اولدقاری نفوذی سوء استعمال ایدرهك منافع عمومی دولته مغایر منافع خصوصیه تأمین ایدره بیللماری تحت امكانده بولندیغندن بوكی احوالك سنی حقوق منافع حكومت و اهالیك قوه تشریعیه اعضا سندنك بحق بلكه دیكی حس فداكار وحسیت ایجاباتنددر . بناءً علیه قانون اساسيك بو نقصانی اكال ایتك جملهك آرزو ایدرهكی بر کیفیت اولوب اساس اعتباریه شایان قبول كورلمش و آنحق تكلیف وجهله یالکیز فرقیه مخصوص اوله رق پروغرامه وضعی حصول مقصدی كافل اوله میه جغندن بو ممنوعیتك فرقیه داخل اولان اولمایان مبعوثان ایله هیئت اعیان اعضا سندنك شامل اوله حق صورتده قانون اساسی به ماده مخصوصه در جنك تأمین و بوسندن اعتباراً اكتساب قانونیتنه بذل سنی ایدلمی تنسیب اولومشدر .

ایکینجی ماده : [مبعوثانك حكومت مأموریتی قبول ائمه ماری] خصوصی اولوب مبعوثانك بر مأموریت استحصالی امانده بولوملاری مكلف اولدقاری وظیفه مراقبه ای ایضا ایتلرینه مانع ومبعوثان آرسنده حس استرقاب واحتراسی او باندیر ارق مأموریتی مبعوثانه ترجیح کی بر شائبه بی داعی اولوق بالنتیجه مجلس مبعوثانك فعالیت وانتظامنه وحائز اولدینی شرف وحیثیه خلل کتیرمك احتماللرینه بناءً مبعوثانك مأموریت آرقه سنده دولاشملرینی منع ایچون مبعوثانقدن استغفارلندن صوکره بر مدت مرور ایترکجه مأموریت در عهده ایدره ماری حقوق اساسیه در دستور اوله رق قبول ایدلمش و آنحق بومدت متفاوت اولوب بمضمرنجه برسنه و دیگر بمضمرنجه آلتی آی اولوق اوزره تعیین اولومش اولدیغندن بو ایکینجی ماده اساس اعتباریه مناسب كورولهرك عموم مبعوثانه شامل اولوق اوزره قانون اساسی به نمراده علاوه س ومدتك مجلس مبعوثانك تقدیرینه بر اقامه سی تنسیب ایدلمشدر .

اوچینجی ماده : که [مبعوثانك ناظر اوله بیللمی حقنه فرقیه رأی خفی ایله وعدد مرتبك ثلثان اکثریتیه قبول اولوق اصولی تقرر ایتدیگندن نظامنامه داخلینك اولاباده کی ماده مخصوصه سی تعدیل اوله جقدر] متنبه در .

صدر اعظمك در عهده ایتدیکی وظیفهك ایجاباتندن اولان مسئولیت ، ایسته دیکی رفقای انتخاب ایدره بیللمك صلاحیتی مقام صدرانه بخش ایتش ، قانون اساسیمز دخی بو اساسی قبول ایله مشدر . بناءً عایه ، صدر اعظم قانون اساسيك ویردیکی صلاحیته استناد ایدرهك اکثریت فرقیه سی خارجنده ناظر انتخابه علی الاطلاق مقتدر اولدینی

حالده بومادنهك روحنه وصورت تطبیقنه كوره حكومتك مابه الاستنادی اولان اکثریت فرقیه سی اعضا سندن هیچ بر ناظر انتخاب ایدره ماری قانون اساسی به منافی اولدینی کی ناظر لوق مشرلیتی در عهده ایدرهك اقتدار ونفوذ سیاسی حائز اولان بر مبعوثانك قوه اجراییه التحقاق ایدره ماری قایینه یی محتاج اولدینی قوای استنادیه دن ومبعوثانكی دائرة اختصاصلری اولان مسلك سیاستده ترقی وتعالیدن محروم ایدره . بنابراین فرقیه نظامنامه سندنك اولاباده کی ماده مخصوصه سندنك تعدیلی طای متضمن اشبو مواد عشره ك اوچینجی ماده سی طی اولومشدر .

دردنجی ماده : [احكام قانونیه به تمامی رعایت ومسئولیت وكلايه دقت] در . بونلر مبعوثانك اك اساسی بر وظیفه سی وفرقیهك روح سیاستی تضمن ایدره . بعض مبعوثان طرفندن بویه بر مادهك تكلیفی مجلس مبعوثان اعضا سندنك مراقبه وظیفه سی بحق ایضا ایدره ماملرندن منبعث ایسه فرقیه بر غرامنه بویه بر مادهك درجی مبعوثانك قانوناً وحیة ایفا سندن بورجلو اولدقاری وظائفك حسن جریانی تأمین ایدره مز . چونكه ، قانون اساسيك مبعوثانك ذاتاً بخش ایتدیکی صلاحیت و وظائفك اكاده كوستریلان تسامحی منع ایچون پروغرامه بر ماده وضعندن زیاده حسن ایفای وظائفی مبعوثانك متانت و فضائل ذاتیه و اخلاقیه لرندن بلكه مكدها موافق اولور . شاید بو مادهك تكلیفندن مقصد وكلايك وظائف اداریه لرندن منبعث مسؤولیتی تأمین ایسه بوده اول امردد بالعموم وكلاومأمورینك مسؤولیتی تعیین ایچون بر قانون مخصوص تنظیمه متوقف بولندیغندن بو باده حكومتدن بر قانون لایحه سی طلب ایدیه رك سرعت ممكنه ایله اكتساب قانونیت ایتدیلمی مناسب كورلمشدر .

بشنجی ماده : [كما كان اتحاد عناصره جالیشمق ، تجارت ، زراعت صنایع و معارفك ترقیسنه درجه احتیاجنه كوره غیرت ایتك] در . اتحاد عناصری جمعیت اساساً هدف آمال اتخاذ ایتش و حیات سیاسیك مبدأندن بری بویولده صرف مساعیدن خالی قالمش و ذاتاً جمعیتك سیاسی پروغرامنده مندرج موادندن و مملكتك منافی ایجاباتندن بولومش اولغله بو باده یکیدن بر ماده قبولی حاصلی تحصیل دیمك اوله جغندن بو خصوصیه ترید مساعی و فعالیت ایدلمی مطالعه قلمشدر .

آلنجی ماده : [اخلاق و آداب عمومی دینه وملیهك محافظه سیله برار غریك ترقیات وتكاملات مدنیه سندنك مملكتده انكشافه خدمت ایتك] کیفیت در . اخلاق و آداب عمومی دینه وملیهك محافظه سی جمعیتك مقاصد علویه سی جمله سندندر . جمعیتی تشکیلات سیاسی واجتماعیه سندنك اساسی اولان دین مبین اسلامك افراد تلقین ایتدیکی فضائل اخلاقیهك قوای مقدسه ملیهك اك مهمی اولدینی تقدیر ایتش و آداب عمومی ملیه واسلامیهك تطرق خللدن محفوظیتی نخبه آمال اتخاذ ایدمشدر . بناءً علیه ، بر طرفدن آداب عمومی و فضائل اخلاقیه ملیه واسلامیهك محافظه سی اسبابی تهیسه وتأمین ایتك

اشبو قوای ثلاثه آرسنده موازنه لزوونی انکار ایده جک بر فرد اولامیه جنی کی ذات حضرت پادشاهینک دخی او قوی آرسنده موازتی اخلاص ایده جک بمض مواد اولمی ذاتاً مرکز عمومینک نظر دقتنه جاریمش و جمعیت سیاسی پروگرامنک بو اساسلری تأمین ایده جک صورتده تنظیمی مقرر بولمشد.

اونجی ماده : [مقاصد خفیة مخصوصه به بناء تشکلی ایدن جمعیتلر حرکات و آمالنه ممانعت] در . مقاصد خفیة مخصوصه تعقیب ایدن جمعیتلر ایکی قسم اولاییلوب بولنلرک برسی سیاسی ، دیگر اجتماعی . سیاسی اولانلر دولک منافعه مخالف بر طاقم مقاصد تعقیب ایده جکلری کی اجتماعی اولانلری دخی آداب و اخلاق عمومیة ملیه ردینه بی هدف تجاوز اتخاذ ایده بیلیرلر . بو مثللو جمعیتلرک منعی جمعیتلر قانونیه قانون جزا و نظامات ضابطه ایجاباتیدن اولوب بولنلر حقتنده متبصرانه حرکتله مقتضیات قانونیه نک تمامی ایفاسی حکومتک وظیفه سیدر . حکومت بو وظیفه بی حسن ایفا ایتسیرمک مجلس مبعوثانک حق مراقبه سی دائرة شمولنده در .

آداب اسلامیه و ملیه و منافع عمومی و وطنیه به منافی مضر جریانلرک بر شکل اجتماعیه ازاله سنه کلنجه : مرکز عمومی راپورنده ده اشارت ایدلریکی وجهه جمعیتک سیاسی و اجتماعی پروگراملری کنديسنه مسالک سیاسی و اجتماعی اتخاذ ایدنلرله خفی و جلی باشقه بر جمعیت انتساب ایده ملری ضرورتیه برابر بو خصوصده مواد نظامیه تدوین و مقصد جمعیت مجاهدات و ارشادات مشروعه ایله نشر و تعمیم ایدلمکده در .

مقررات واقعه صورت مخصوصه ده تشکلی ایدیلان بر انجمنک بالاطراف اجرا ایدلریکی تدقیقات اوزرنه قونفره هیئت عمومی سنجه ماده ماده تذکر و تدقیق اولندقدن صکره اتخاذ ایدلمش و فرقه جه موجب تفرقه هیچ بر حال قالمادیغه متفقاً و متحداً قرار ویرلمشدر .

بنیاد احمدیه

استاد محترم ، مناسرتلی اسماعیل حق افندی حضرتلرینک (کلیات) عنوانیه نشر ایدلمکده اولان آثار فاضلانلرینک برنجی کتابی تشکلی ایدن اشبو اثر مهم انتشار ایتشددر . بو اثر عالی اصلی اولان عربی العبارة (الرسالة الحمیدیه) نام اثر فاخره بر مثل قدر توضیحات لازمه و تزییلات مهمه ضم و علاوه سبله الوهیت سبحانیه و نبوت و رسالت محمديه و مبانی ارکان جلیله اسلامیه نک حاوی اولدینی مآثر و مزایای عالییه بر اهین عقلیه و دلائل فلسفیه ایله هرمتفنی الزام و هر عاقل بصیرتکاری اقناع ایده جک بر طرز نوین اوزره اثبات و تنویر ایتکده و هر درلو اوهام و ظنون باطله نک اوکنی آلمقده در .

فیثاتی ۱۲ بحق غروشددر . مرکز توزیعی باب عالی جاده سنده اتحاد و تجارت کتبخانه سی در .

و دیگر طرفدن مملکتتمزک غربک ترقیات مادیه سندن استفاده و اکتساب معموریت و رفاهیت ایتسنه جالیشمق اهم وظائفدن اولوب حسیات دینییه رعایتکار اولمیانلر حقتنده کچن سنه جزا قانونیه وضع ایدیلن احکام شدیدیه فرقه نک اخلاق و آداب عمومیة دینه و ملیه نک معززیتی نه قدر اساسلی بر مسالک اولمق اوزره تاقی ایتدیکنه الکی بربره اندر . مرکز عمومینک قونفره ده قرائت و بر قسمی نشر اولونان راپورنده بیان ایدلریکی وجهه بالاده تفصیلاً در میان ایدیلن غاییه وصول ایچون اتخاذ ایدلمش اولان تدابیر مؤثره و سیاسی پروگرامه ادخال تکلیف اولونا جق لواج قانونیه تأمین مقصده کافی کورولمشددر .

یدنجی ماده : [قانون اساسی دائره سنده عنعنات عثمانیه تاریخییه ادامه و محافظه] در . اخلاقک حرمتله تلقی ایتدیکی مآثر اسلاف دیمک اولان عنعنات مقبوله تاریخییه نک محافظه سی آلتنجی ماده ده ذکر اولونان اخلاق و آداب عمومیة دینه و عادات مستحسنه ملیه به رعایت قیلندن بر امر طبیعی و ضروری اولمقله برابر هنوز بر دوره انقلابیه ده بولونان اتحاد و ترقی جمعیتک حیات اجتماعی ماته حاکم قوانین ثابتیه بو قوانینک ایجاباتنه حرمت و صداقله اجتماعیه ماته تکامل تدریجی اساسی تعقیبی اس سیاست اتخاذ ایلمشددر . قانون اساسی دائره سنده عنعنات عثمانیه تاریخییه قیدینه کلنجه ، قانون اساسینک محافظه سی جمعیتک و بالجه عثمانیلرک مابه الحیاتی اولدینی جهته تضمن ایتدیکی بالجه احکامک اودا اوره کی عنعناتک کمال صداقله محافظه و ادامه سی بر امر طبیعی در .

سکزنجی ماده : [مأمورینک تعیین و عزلنه انتظام قانونی ویرمک] در . خدمات عمومی حکومتک حسن جریانی تأمین ایچون مأمورینک ارباب رویت و اقتدار میانندن انتخابی ناصل لازمه بو صورتله منتخب مأمورینک موفقیتلری و مأموریتلری بلا تردد و کمال صلاحیتله ایفا ایتلری ایچوزده حقوقلری محفوظ و استیلا لری امین کورملری اوله جه لازم و ضروریدر . هر حالده مأمورینک وظایفی قطباً تبیین و بو وظایف مقابلنده مسؤلیت اساسلرینک وضع ایدیلارک حسن ایفای وظایفک ترفیع و مکافات و عکسی حالک عزل و مجازاته سیبیت ویرمی حکمت اداره مقتضیات طبیعی سندندر . ملاحظات مذکوریه به بناء مأمورینک تعیین و عزلنه بر انتظام قانونی ویرلمش متضمن اولان اشبو ماده نک اهمیتی درکار اولوب مجلس مبعوثان اداره ولایت انجمنی بو جهتی ده تقدیر ایله مأمورینک ترفیع و ترقی و عزل و تبدیللرینک بر اصول سالمه ربطی حکومتدن طلب ایلمش اولسنه نظر آ بوباده کی لایحه نک بر آن اول کسب قانونیت ایتسی اسبابینک استکمالی دروشولمشددر .

طقوزنجی ماده : [حقوق مقدسه خلافت و سلطنته متدار قانون اساسینک بعض موادینک قوای ثلاثه اساسنده کی موازتی تشدید ایده جک صورتده تعدیلی] تکلیفیدر . بر ملتده موجود اولان قوتلر قوه شرعییه ، قوه اجرائیه ، قوه عدلیه اولمق اوزره اوچ قسمه ایرلمشددر .